



## Concello de Triacastela

**BASES QUE REXERÁN O PROCEDIMENTO DE SELECCIÓN DE PERSOAL LABORAL TEMPORAL (2 PEÓNS OBRAS PÚBLICAS) QUE SE CONTRATEN NO CONCELLO DE TRIACASTELA AO ABEIRO DO PLAN PROVINCIAL ÚNICO DE COOPERACIÓN COS CONCELLOS 2019 DA DEPUTACIÓN PROVINCIAL DE LUGO PARA A EXECUCIÓN DE OBRAS, SERVIZOS E CREACIÓN DE EMPREGO “PROGRAMA FOMENTO DO EMPREGO 2019”**

### PRIMEIRO. Normas Xerais

#### 1.1 Obxecto

É obxecto das presentes bases e a correspondente convocatoria, a regulación do procedemento de selección mediante o sistema de concurso-oposición de **DOUS (2) PEÓNS OBRAS PÚBLICAS** para seren contratados como persoal laboral temporal, a xornada completa, ao abeiro do Programa Fomento do emprego 2019 de conformidade ao Plan Provincial Único de Cooperación cos concellos 2019 da Deputación Provincial de Lugo.

Os contratos de traballo concertaranse cunha duración determinada de 12 meses, rematando en todo caso o 30 de setembro de 2020.

**1.2. Normas de aplicación:** O proceso de selección regularase polo previsto nas presentes bases e no Programa Fomento de Emprego de conformidade ao Plan Provincial Único de Cooperación cos concellos 2019 da Deputación Provincial de Lugo, e no non previsto nelas, polo establecido no Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público; na Lei 30/84, de 2 de agosto, de Medidas para a Reforma da Función Pública; na Lei 7/1985, de 2 de abril, reguladora das bases de réxime local; no Texto Refundido das disposicións legais vixentes en materia de réxime local, aprobado por Real Decreto Lexislativo 781/1986, de 18 de abril; na Lei 5/1997, de 22 de xullo, da Administración Local de Galicia; na Lei 2/2015, de 29 de abril, de emprego público de Galicia; na Lei 2/2007, do 28 de marzo, do traballo en igualdade das mulleres de Galicia; no Real Decreto 896/1991, de 7 de xuño, polo que se establecen as regras básicas e os programas mínimos a que debe axustarse o procedemento de selección dos funcionarios da Administración Local; con carácter supletorio tamén se aplicará o Decreto 95/91, de 20 de marzo, polo que se aproba o Regulamento de selección do persoal da Administración da Comunidade Autónoma de Galicia no que non se opoña á Lei 2/2015, de emprego público de Galicia; Real Decreto 364/1995, de 10 de marzo, polo que se aproba o Regulamento Xeral de ingreso do persoal ao servizo da Administración Xeral do Estado; Real Decreto Lexislativo 2/2015, de 23 de outubro, polo que se aproba o texto refundido da Lei do Estatuto dos Traballadores e demais disposicións aplicables.

**1.3.** O sistema de selección da/os aspirantes será o de concurso – oposición.

**1.4.** A presente convocatoria publicarase no boletín oficial da provincia de Lugo, e as bases no taboleiro de edictos do Concello de Triacastela e na sede electrónica <http://triacastela.sedelectronica.gal> .

## Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3S6S9APHKJFKJTZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 1 a 13



## Concello de Triacastela

---

### SEGUNDO. Modalidade do contrato

2.1 O contrato de traballo temporal que se formalizará coas persoas seleccionadas será coas cláusulas específicas de obra ou servizo determinado, a tempo completo (40 h), previsto no artigo 15.1 a) do Real Decreto Legislativo 2/2015, de 23 de outubro, polo que se aproba o Texto Refundido do Estatuto dos Traballadores (TRET) e no artigo 2 do Real Decreto 2720/1998, de 18 de decembro.

O réxime xurídico da relación laboral será de carácter laboral.

As funcións dos contratos laborais temporais que se celebren a resultados do proceso de selección dos **2 postos de peóns obras públicas** será a realización de traballos urxentes e inaprazables a desenvolver en relación as obras ou servizos prioritarios ou que afectan ao funcionamento dos servizos públicos esenciais, tales como:

- Acondicionamento, mantemento e limpeza de accesos a núcleos de poboación, camiños e vías municipais.
- Limpeza e conservación do entorno de espazos públicos, áreas recreativas, rutas turísticas.
- Obras de reparación en xeral.

### TERCEIRO. Condicións de Admisión de Aspirantes

Para participar no proceso selectivo, a/os aspirantes deberán reunir os requisitos que a continuación se indican segundo o establecido no artigo 56 do EBEP e na cláusula 8ª.1 das Bases reguladoras do Plan Provincial Único de Cooperación cos Concellos 2019, referidos todos e cada un deles á data de remate do prazo de presentación de solicitudes:

a) Nacionalidade:

a.1) Ter a nacionalidade española.

a.2) Ser nacional dalgún dos estados membros da Unión Europea ou nacional dalgún Estado en que, en virtude dos tratados internacionais realizados pola Unión Europea e ratificados por España, sexa de aplicación a libre circulación de traballadores.

a.3) Tamén poderán participar, calquera que sexa a súa nacionalidade, o cónxuxe dos españois e dos nacionais doutros Estados membros da Unión Europea, e dos nacionais dalgún Estado ao cal, en virtude dos tratados internacionais celebrados pola Unión Europea e ratificados por España, sexa de aplicación a libre circulación de traballadores, sempre que non estivesen separados de dereito. Así mesmo, coas mesmas condicións poderán participar os seus descendentes e os do seu cónxuxe sempre que non estean separados de dereito, sexan menores de 21 anos ou maiores de dita idade dependentes.

b) Capacidade funcional: non padecer enfermidade nin estar afectado por limitación física ou psíquica incompatible co desempeño das correspondentes funcións.

A condición de discapacitado e a súa compatibilidade acreditarase coa oportuna certificación.

---

## Concello de Triacastela





## Concello de Triacastela

---

- c) Idade: ter cumpridos 18 anos e non exceder, no seu caso, da idade máxima de xubilación forzosa.
- d) Habilidade: non ter sido separada/o mediante expediente disciplinario do servizo de calquera das Administracións Públicas, ou dos órganos constitucionais ou estatutarios das Comunidades Autónomas, nin atoparse en inhabilitación absoluta ou especial para empregos ou cargos públicos por resolución xudicial, para o acceso a corpos ou escalas de persoal funcionario, ou para exercer funcións similares ás que desempeñaban no caso de persoal laboral, no que fora separado ou inhabilitado. No caso de ser nacional doutro Estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu Estado, nos mesmos termos, o acceso ao emprego público.
- e) Titulación: Non se esixe estar en posesión de ningunha das titulacións do sistema educativo.
- f) Estar en situación de desemprego. De acordo co establecido no último párrafo do artigo 8.1 das Bases reguladoras do Plan Provincial Único de Cooperación cos Concellos 2019 “É imprescindible que as persoas a contratar a través deste programa produzan novas contratacións no Concello, polo que a situación ou procedencia dos candidatos debe provir de situación de desemprego ou de mellora de emprego para os casos en que a xornada de traballo sexa igual ou inferior ao 50% da xornada, quedando excluídos os custes de persoal referidos a traballadores incluídos no cadro de persoal vixente do Concello.
- g) Estar en posesión do permiso de conducir tipo B.

Tódolos requisitos xerais e específicos deberán estar en posesión do solicitante o día de presentación de instancias e manterse na data de contratación do/a candidato/a.

### CUARTO. Forma e Prazo de Presentación de Instancias

5.1. A solicitude para tomar parte no proceso de selección axustarase ao modelo que figura como Anexo II ás presentes Bases, que se facilitará no Rexistro Xeral do Concello e dirixirse á Sra. Alcaldesa do Concello de Triacastela, no prazo de 5 días hábiles contados a partir do día seguinte ao da publicación da convocatoria no Boletín Oficial da Provincia de Lugo, no taboleiro de edictos do Concello de Triacastela e na sede electrónica <http://triacastela.sedelectronica.gal>.

Os sucesivos anuncios en relación con este proceso publicaranse no taboleiro de edictos da Casa do Concello de Triacastela e na sede electrónica <http://triacastela.sedelectronica.gal>.

Xunto coas instancias solicitando participar no proceso, deberá presentarse a seguinte documentación, orixinal ou copia compulsada:

- a) Documento nacional de identidade, pasaporte ou tarxeta de residente.
- b) Permiso de conducir tipo B.
- c) Xustificante Demanda de Emprego e certificación de periodos de inscrición como

---

### Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3SS9APH7KHFKJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 3 a 13



## Concello de Triacastela

---

demandante de emprego expedido pola Oficina correspondente.

d) Certificación, de ser o caso, acreditativa do grao de discapacidade.

e) De ser o caso, as persoas que aleguen ser vítima de violencia de xénero:

A efectos destas bases, enténdese por mulleres en situación de violencia de xénero todas aquelas que cesasen a relación de convivencia co agresor e acrediten a situación de violencia a través de calquera das formas previstas no artigo 5 da Lei 11/2007, do 27 de xullo, galega para a prevención e o tratamento integral da vilencia de xénero:

1. Certificación da orde de protección ou da medida cautelar, testemuño ou copia autenticada pola/o secretaria/ou xudicial da propia orde de protección ou da medida cautelar.

2. Sentenza de calquera orde xurisdiccional, que declare que a muller sufriu violencia de xénero.

3. Informe do Ministerio Fiscal que indique a existencia de indicios de violencia, auto de apertura de xuízo oral ou documento equivalente en que conste a existencias dos devanditos indicios.

4. Informe dos servizos sociais e/ou sanitarios da Administración pública autonómica ou local no que se recolla dita condición e a data en que se produciu o cesamento da convivencia.

5. Informe dos servizos de acollida da Administración pública autonómica ou local en que se recolla dita condición e a data en que se produciu o cesamento da convivencia.

f) Declaración responsable, asinado pola/o aspirante, de non estar afectada/o por ningún dos motivos de incompatibilidade recollidos na lexislación vixente sobre incompatibilidades do persoal ao servizo das administracións públicas e de non ter sido separada/o do servizo de calquera das administracións públicas ou dos órganos constitucionais ou estatutarios das comunidades autónomas por expediente disciplinario ou resolución xudicial firme, nin atoparse en inhabilitación absoluta ou especial para empregos ou cargos públicos por resolución xudicial, ou para exercer funcións similares ás que se desempeñaba no caso do persoal laboral, así mesmo declaración de non padecer enfermidade nin estar afectado por limitación física ou psíquica incompatible co desempeño das correspondentes funcións, segundo o modelo que se insire nestas bases como Anexo II.

No caso de ser nacional doutro Estado, declaración responsable, asinada pola/o aspirante, de non estar afectado/a por ningún dos motivos de incompatibilidades recollidos na lexislación vixente sobre incompatibilidades do persoal ao servizo das administracións públicas e de non estar inhabilitado ou en situación equivalente que impida, no seu Estado, nos mesmos termos, o acceso ao emprego público.

g) Relación - anexo III segundo a orde que se establece na base oitava dos méritos que a/os aspirantes aleguen para a súa valoración no concurso e os documentos xustificativos dos mesmos segundo o establecido na mencionada base.

As solicitudes presentaranse no rexistro xeral de entrada do Concello de Triacastela (Lugo), en horario de 9:00h a 14:00h de luns a venres ou mediante a sede electrónica <http://triacastela.sedelectronica.gal> , poderanse así mesmo, remitir na forma determinada

---

## Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3SSS9APH7KHFKJTZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 4 a 13



## Concello de Triacastela

---

no artigo 16.4 da Lei 39/2015, de 1 de outubro, de Procedemento Administrativo Común das Administracións Públicas.

### **QUINTO. Admisión de Aspirantes.**

Rematado o prazo de presentación de solicitudes, a Alcaldía ditará resolución, no prazo máximo de tres días naturais, declarando aprobada a lista provisoria de admitida/os e excluída/os coa especificación do motivo da exclusión. Esta resolución publicarase de xeito integro no taboleiro de edictos da casa do Concello, sinalándose un prazo de 2 días hábiles contados a partires do seguinte ao da publicación da resolución para que os aspirantes excluídos poidan emendar, de ser o caso, o defecto que motivou a exclusión.

No caso de non haber excluídos nin que precisen do trámite de emenda, a lista provisional elevarase a definitiva automaticamente.

Contra a resolución da Alcaldesa pola que se declaran definitivamente excluídos do proceso selectivo, o interesado poderá interpoñer recurso potestativo de reposición ante o mesmo órgano, no prazo dun mes contado desde o día seguinte ao da súa publicación no taboleiro de edictos do Concello de Triacastela, de conformidade co establecido na Lei 39/2015, de 1 de outubro, de Procedemento Administrativo Común das Administracións Públicas, ou poderase interpoñer directamente o recurso contencioso administrativo ante o Xulgado do Contencioso Administrativo de Lugo, no prazo de dous meses, contados desde a mesma data, de conformidade co disposto no art. 8.1 da Lei 29/1998, do 13 de xullo, reguladora da xurisdición contenciosa administrativa.

Por resolución de alcaldía sinalarase o lugar e hora de realización das probas de oposición e a composición do tribunal cualificador e publicarase no taboleiro de edictos da casa do Concello e na sede electrónica <http://triacastela.sedelectronica.gal>.

O feito de figurar na relación de admitidos non prexulga que se lles recoñeza aos interesada/os a posesión dos requisitos esixidos no procedemento que se convoca. Cando da documentación que debe presentarse, no caso de superar o procedemento selectivo, se desprenda que non posúen algún dos requisitos, a/os interesada/os decaerán en todos os dereitos que puideran derivar da súa participación no procedemento. Os datos persoais (nome, apelidos, dirección aos efectos de notificacións) dos candidatos que participen no procedemento selectivo, serán utilizados unicamente para o fin do presente procedemento selectivo, e co fin de dar cumprimento ao principio de publicidade esixido na vixente lexislación.

### **SEXTO. Tribunal Cualificador**

O tribunal estará constituído por un número impar de membros, funcionarios/as de carreira ou persoal laboral, debendo designarse o mesmo número de suplentes, un dos cales actuará coma presidente/a e outro coma secretario/a do tribunal.

---

## Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3S8S9APHKJFKJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 5 a 13



## Concello de Triacastela

---

Todos os membros deberán contar con nivel de titulación igual ou superior á esixida para o acceso ao posto convocado. Non formarán parte do mesmo persoas de elección ou designación política, funcionarios interinos nin persoal eventual.

A Alcaldesa nomeará por decreto os membros do tribunal e os seus suplentes e fixará a data da súa constitución, axustándose ao previsto no artigo 60 do Estatuto Básico do Empregado Público, que será publicado no taboleiro de anuncios da sede electrónica do concello <http://triacastela.sedelectronica.gal>.

Os membros dos tribunais deberán absterse de intervir cando concorran neles, circunstancias das previstas no 23 da Lei 40/2015, de 1 de outubro, de Réxime Xurídico do Sector Público.

Así mesmo, os/as aspirantes poderán recusar aos membros do tribunal cando concorran neles algunha das circunstancias previstas na presente base, conforme o artigo 24 da Lei 40/2015, de 1 de outubro, de Réxime Xurídico do Sector Público.

O tribunal non poderá constituírse nin actuar sen a presenza, cando menos, de máis da metade dos seus membros, titulares ou suplentes, indistintamente. En todo caso requírese a asistencia do/a presidente/a e do/a secretario/a ou dos que legalmente os substitúan.

O procedemento de actuación do tribunal axustarase ao disposto na Lei 40/2015, de 1 de outubro, de Réxime Xurídico do Sector Público, levantando de cada sesión acta, que se autorizará, coa signatura do secretario/a e co visto e praxe do Presidente/a.

Os tribunais poderán dispoñer a incorporación de asesores especialistas para as probas en que así o estimen necesario ou conveniente. Os ditos asesores, actuarán con voz e sen voto, limitándose ao exercicio das especialidades técnicas en base ás cales colaboran no respectivo tribunal.

Os membros do tribunal así como os asesores ou colaboradores que se incorporen a este, terán dereito, pola súa concorrencia ás sesións, ao pagamento de asistencias na contía establecida de conformidade co previsto no Real Decreto 462/2002, de 24 de maio, sobre indemnizacións por razón de servizo, tendo en conta as actualizacións desta, vixentes na data da realización das probas.

O tribunal resolverá por maioría de votos dos seus membros presentes, tódalas dúbidas e propostas que se produzan para a aplicación das normas contidas nestas bases, e estará facultado para resolver as cuestións que poidan suscitarse durante a realización das probas, así como adoptar as medidas necesarias.

### **SÉTIMO. Sistemas de Selección de Desenvolvemento dos Procesos**

O procedemento de selección será o de concurso - oposición:

---

### Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3SS9APHKHFJKJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 6 a 13



## Concello de Triacastela

---

### **1) FASE DE OPOSICIÓN: PROBA ESCRITA-PRÁCTICA DE CARÁCTER OBRIGATORIO PERO NON ELIMINATORIA.**

Realización dun exercicio que consistirá en contestar por escrito a un cuestionario tipo test, de 20 preguntas con respostas alternativas das que só unha é correcta, baseadas no contido do programa da convocatoria relacionado no ANEXO I, durante un período de 40 minutos e determinado polo Tribunal.

Esta proba puntuarase de 0 a 10 puntos, as respostas correctas valoraranse cada unha con 0,5 puntos. As non contestadas ou contestadas incorrectamente non penalizarán. A puntuación máxima da proba establecece en seis (6) puntos.

### **2) FASE DE CONCURSO:**

O baremo de méritos fíxase do seguinte xeito:

A puntuación máxima total do concurso establécese en catro (4) puntos e será o resultado de sumar os méritos que se enumeran nos seguintes apartados cos límites que se sinalan para cada un deles:

#### **a.) Experiencia profesional. Máximo (2) puntos.**

- Desempeñar ou ter desempeñado o posto de traballo obxecto deste proceso de selección, en calquera Administración Pública ou organismos autónomos de carácter administrativo dependentes da mesma, con contratos ou nomeamento feito pola propia Administración: 0,20 puntos por cada mes completo.

- Desempeñar ou ter desempeñado o posto de traballo obxecto deste proceso de selección, en entidades privadas: 0,10 puntos por cada mes completo.

Non se computarán servizos prestados por tempo inferior a un mes, en caso de contratación a tempo parcial valoraranse os servizos prestados de forma proporcional.

Para a xustificación deste apartado, os/as aspirantes deberán presentar documentación acreditativa dos servizos prestados, contrato de traballo compulsado ou calquera outro documento con forza probatoria en que se reflexe claramente a duración do contrato, traballo desempeñado e xornada e Infome de Vida Laboral. De non presentarse a citada documentación, ou si se presenta outra diferente á aquí referida, a cualificación nesta línea será de 0 puntos.

#### **b.) Formación. Máximo (0,50) puntos:**

Cursos relacionados coa actividade a desenvolver no posto de traballo, impartidos pola Administración Pública ou entidades delas dependentes ou homologados. Os cursos que, a xuízo do tribunal, non estean debidamente acreditados ou non teñan relación coas funcións propias do posto, non serán puntuados.

- Cursos de 10 a 40 horas: 0,13 puntos.
- Cursos de 41 a 75 horas: 0,25 puntos.
- Cursos de 76 a 100 horas: 0,38 puntos.
- Cursos de máis de 100 horas: 0,50 puntos

---

## Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMILDFEF3SS9APHKHFKJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 7 a 13



## Concello de Triacastela

---

Forma de acreditar os méritos: Deberá presentar o título ou certificación expedido pola administración pública que o impartiu e /ou financiou, acreditativo da súa realización.

O Tribunal, en ningún caso, poderá valorar o non achegado e probado pola/os aspirantes na documentación aportada coa solicitude, sen que sexa admisible a concesión de prazo ningún para emendas ou subsanacións con posterioridade ao día de remate do prazo de presentación daquela.

c.) Dacordo co establecido no convenio asinado coa Deputación, primarase favorecer ao colectivos con dificultades de integración laboral tales como:(como máximo 1,50 puntos)

1. Mulleres (0,3 puntos).

2. Maiores de 45 anos (0,3 puntos).

3. Parados de longa duración. Considerando parado de longa duración estar inscrito ininterrumpidamente na Oficina de Emprego como demandante de emprego ao longo de 12 ou máis meses. Para elo presentará certificación de periodos de inscrición como demandante de emprego expedido pola Oficina correspondente (0,3 puntos).

4. Persoas con discapacidade (0,3 puntos).

5. Persoas vítimas de violencia de xénero (0,3 puntos).

Forma de acreditar estas situacións: segundo o establecido no punto 4 (solicitudes)

### **OITAVO. Desenvolvemento do proceso de selección.**

O exercicio realizarase no prazo máximo de 20 días hábiles desde a constitución do tribunal que xulgue as probas, anunciándose con tres días naturais de antelación, como mínimo, o comezo da proba escrita, no taboleiro de edictos do Concello de Triacastela, o día, hora e lugar onde se celebrará a proba.

Os anuncios sucesivos publicaranse no taboleiro de edictos do Concello de Triacastela.

Os aspirantes deberán presentarse para a realización do exercicio provistos de DNI ou documento oficial e fidedigno (pasaporte, carné de conducir,etc), acreditativo da súa identidade, a xuízo do tribunal. En calquera momento os aspirantes poderán ser requiridos polo tribunal correspondente coa finalidade de acreditar a súa personalidade.

A/os aspirantes serán convocados en único chamamento, sendo excluídos da oposición a/os que non comparecen, agás nos casos debidamente xustificadas e libremente valorados polo tribunal. As xustificacións ou probas formularanse dentro das vinte e catro (24) horas seguintes á celebración do exercicio ao que non compareceran.

Para establecer a orde en que haberán de actuar os aspirantes naqueles exercicios nos que non poidan facelo conxuntamente, estarase ao resultado do sorteo publicado pola Resolución correspondente, que se realizou ao abeiro do establecido no Art. 9 do Decreto 95/1991, de 20 de marzo, polo que se aproba o regulamento de selección de persoal de administración da Comunidade Autónoma de Galicia.

O resultado final do proceso de selección, será a suma das dúas fases oposición e concurso, en caso de empate de puntuacións resolverase a favor dos aspirantes que acaden maior número de puntos na fase de oposición. De persistir o empate resolverase a favor dos aspirantes que acaden maior número de puntos no primeiro e segundo

---

## Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3SS9APH1KHFKJTJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 8 a 13





## Concello de Triacastela

---

apartado, sucesivamente da fase de concurso. Se persiste o empate, resolverase por sorteo público.

O Tribunal publicará no taboleiro de edictos do Concello de Triacastela, a puntuación total do proceso selectivo (puntuación fase oposición, fase concurso e puntuación total), os aspirantes disporán dun prazo de 3 días hábiles, a partir do seguinte ao da publicación, para efectuar as alegacións pertinentes. Rematado o prazo e tras resolver as alegacións efectuadas no seu caso, elevarase dita relación ao Sra. Alcaldesa-Presidente, que aprobará a relación de candidatos pola súa orde de prelación aos efectos da provisión dos postos de traballo obxecto deste proceso de selección, para a formalización dos correspondentes contratos laborais.

O tribunal non poderá aprobar nin declarar que superaron as probas selectivas un número superior de aspirantes ao de postos que se convocan. Non obstante o anterior, e co fin de asegurar a cobertura dos mesmos cando se produzan renuncias dos aspirantes seleccionados ou calquera outra circunstancia antes da formalización do contrato ou despois de celebrar o correspondente contrato laboral, así como para a cobertura de posibles baixas, substitucións ,etc, o órgano convocante poderá requirir ao órgano de selección relación complementaria da/os aspirantes que sigan aos propostos, para a súa posible contratación.

### **NOVENO. Presentación de documentación e formalización do contrato.**

A /os candidata/os propostos para seren contratada/os deberán achegar no prazo máximo de 2 días hábiles, a seguinte documentación, agás que xa a presentaran anteriormente xunto coas instancias de participación:

- a) Copia compulsada da tarxeta da Seguridade Social.
- b) Certificado de titularidade de conta bancaria.

A non presentación dentro do prazo fixado da documentación esixida nesta base e agás nos casos de forza maior ou cando do exame da mesma dedúzase que carecen dalgún dos requisitos sinalados na base 4ª, non poderán ser contratados sen prexuízo da responsabilidade en que incorresen por falsidade na solicitude de participación. Neste caso procederase a notificar ao candidata/o que obtivese a seguinte maior puntuación para que aporte a referida documentación, procedéndose do mesmo xeito que no suposto anterior.

Rematado o proceso selectivo e presentada a documentación polos interesada/os, o Sra. Alcaldesa resolverá o proceso e formalizaranse os contratos de traballo temporal, coas cláusulas específicas de obra ou servizo determinado por un período de 12 meses, a xornada completa, vinculados ao convenio suscrito entre a Deputación Provincial de Lugo e a entidade local de Triacastela para a participación no programa Fomento do Emprego 2019 incluído no Plan Provincial Único de Cooperación cos concellos 2019.

### **DÉCIMO. Impugnación.**

Estas bases, a súa convocatoria e cantos actos administrativos deriven da mesma, así como as actuacións do Tribunal poderán ser impugnadas pola/os interesada/os nos casos e na forma establecidas na Lei 39/2015, de 1 de outubro, do Procedemento

---

Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3S6S9APHKHFKJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 9 a 13



## Concello de Triacastela

---

Administrativo Común das Administracións Públicas e na Lei 29/98 de 13 de xullo reguladora da Xurisdición Contencioso-Administrativa .

**En Triacastela a data sinalada ao marxe.**

**A Alcaldesa-Presidenta**

**Asdo.: M. Olga Iglesias Fontal**

**Documento asinado ao marxe electronicamente**

### **ANEXO I.-TEMARIO**

#### **Tema 1**

Concello de Triacastela. Termo municipal. Poboación. Datos de interese do municipio. Distribución xeográfica e parroquial.

#### **Tema 2**

Servizos, instalacións e vías de comunicación do Concello de Triacastela.

#### **Tema 3**

Funcións de peón/s obras públicas, relacionadas concretamente coa conservación, reparación ordinaria e limpeza.

#### **Tema 4**

Materiais, útiles e ferramentas utilizados na área de limpeza de espazos públicos.

#### **Tema 5**

Disposicións mínimas xerais de seguridade e saúde aplicable para a utilización polos traballadores de equipos de traballo. Condicións xerais de seguridade nos lugares de traballo. Normativa básica de sinalización e equipos de protección individual.

---

**Concello de Triacastela**

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMILDFEF3SS9APHKHFKJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 10 a 13



## Concello de Triacastela

---

### **ANEXO II ) MODELO DE INSTANCIA PARA PARTICIPAR NO PROCEDIMIENTO DE SELECCIÓN PARA A PROVISIÓN TEMPORAL DE 2 POSTOS DE TRABAJO DE PEÓN DE OBRA PÚBLICA DO CONCELLO DE TRIACASTELA**

D./<sup>a</sup> \_\_\_\_\_ provisto/a de D.N.I. nº \_\_\_\_\_ con  
endereço \_\_\_\_\_ nº \_\_\_\_\_ piso \_\_\_\_\_, C.Postal \_\_\_\_\_  
Localidade \_\_\_\_\_ Municipio \_\_\_\_\_ Provincia \_\_\_\_\_ Teléfono \_\_\_\_\_.

Enterado/a da convocatoria pública realizada polo Concello de Triacastela para a contratación laboral temporal (coas cláusulas específicas de obra ou servizo determinado), a xornada completa, de dous (2) peóns de obra pública.

#### **DECLARO:**

**PRIMEIRO.-** Que coñezo na súa integridade as bases que rexen a convocatoria e que reúno tódalas condicións esixidas polas mesmas para participar neste proceso selectivo.

**SEGUNDO.-** Que non estou afectada/o por ningún dos motivos de incompatibilidade recollidos na lexislación vixente sobre incompatibilidades do persoal ao servizo das administracións públicas, que non padezo enfermidade ou defecto físico/psíquico, que me impida o desempeño das funcións ou tarefas correspondentes a praza á que opto e que non estou separado/a, mediante expediente disciplinario do servizo ao Estado, ás Comunidades Autónomas ou ás Entidades Locais, nin estar inhabilitado para o exercicio das funcións públicas;  
-no caso de ser nacional doutro Estado, de que non estou inhabilitado ou en situación equivalente, nin estou sometido a sanción disciplinaria ou equivalente que me impida, no meu Estado, nos mesmos termos, o acceso ao emprego público.

**TERCEIRO.-** Que autorizo ao Concello do Triacastela para a publicación dos meus datos persoais (nome, apelidos e D.N.I.) e das posibles causas de exclusión, no taboleiro de edictos do concello e calquera outro medio que se estime, ao ser a publicidade un dos principios legais que debe observarse nos procedementos de selección.

**CUARTO.-** Solicita/o ser admitida/o a participar no referido procedemento comprometéndome a someterme ás bases que o regulan e presentando a documentación seguinte:

(TACHAR O QUE PROCEDA)

- o DNI, pasaporte ou tarxeta de residencia
- o Permiso de condución en vigor tipo B.
- o Relación dos méritos que alego para a súa valoración - Anexo III, e os documentos xustificativos dos mesmos segundo o establecido na base oitava.

....., ..... de.....de 2019

---

**Concello de Triacastela**

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMLDFEF3SS9APHKFKJZMZ | Corrección: <http://triacastela.sectelectronica.gal/>  
Documento asinado electronicamente desde a plataforma xestiona esPublico | Páxina 11 a 13



## Concello de Triacastela

### SRA. ALCALDESA-PRESIDENTA DO CONCELLO DE TRIACASTELA

O Concello de Triacastela, utilizará os seus datos persoais, co obxectivo de realizar un proceso de selección de persoal laboral temporal.

Os datos persoais facilitados serán tratados e manteranse ata que se realice a selección da persoa que cubrirá dito posto de traballo, ou ata que vostede exerza o seu dereito de cancelación.

Os datos non se cederán a terceiros agás una obriga legal.

Recordamoslle que, como interesado, dispón dunha serie de dereitos establecidos na Lei Orgánica 3/2018, de 5 de decembro, de Protección de datos persoais e garantía dos dereitos dixitais, coas limitacións establecidas legalmente o tratarse de datos que obran nos expedientes e procedementos que xestiona a Administración Pública Municipal, no Rexistro Xeral do Concello, na dirección Pr. Deputación, 1 – 27630 Triacastela (Lugo).

### ANEXO III (RELACIÓN DETALLADA DOS MÉRITOS APORTADOS E ACREDITADOS)

| <b>a.) EXPERIENCIA PROFESIONAL</b>   |  |  |                    |                    |
|--|--|--|--------------------|--------------------|
| <b>Servizos realizados cas tarefas a desenvolver expostas nas bases da convocatoria.</b> |  |  |                    |                    |
| <b>Categoría</b>   | <b>Administracións Públicas/Entidades privadas</b> | <b>Duración contrato ou nomeamento</b> | <b>Data inicio</b> | <b>Data Remate</b> |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |
|  |  |  |                    |                    |

| <b>b.) FORMACIÓN</b> |                           |                 |
|----------------------|---------------------------|-----------------|
| <b>Denominación</b>  | <b>Centro impartición</b> | <b>Duración</b> |
|                      |                           |                 |
|                      |                           |                 |
|                      |                           |                 |

| <b>c.) CRITERIOS ESTABLECIDOS CONVENIO DEPUTACIÓN</b> |  |
|---|--|
| <b>1. Muller</b>                                      |  |
| <b>2. Maior de 45 anos</b>                            |  |
| <b>3. Parado/a de longa duración</b>                  |  |
| <b>4. Persoa con discapacidade</b>                    |  |
| <b>5. Persoa vítima de violencia xénero</b>           |  |

Data:

Concello de Triacastela

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMILDFEF3SS9APHTKHFKJTJZMZ | Corrección: <http://triacastela.sedelectronica.gal/>  
Documento asinado electronicamente desde a plataforma xestiona esPublico | Páxina 12 a 13



## Concello de Triacastela

---

**O/A solicitante**

**Asdo:**

---

**Concello de Triacastela**

Plaza de la Diputación, 1, Triacastela. 27630 Lugo. Tfno. 982548147. Fax: 982548058



Cod. Validación: WMILDEF3SS9APHKJFKJZMZ | Corrección: <http://triacastela.sedelectronica.gal/>  
Documento asinado electrónicamente desde a plataforma xestión esPúblico | Páxina 13 a 13